



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sponsvs Sangvinvm

Zachmoorter, Michiel

T'Antwerpen, [1641]

Affectie ofte verweckinghe vanden wille tot berouw der sonden. Vierde
deel der Meditatie.

urn:nbn:de:hbz:466:1-35954

16 Den Bloedigen Bruydegom

Affectie ofte verweckinghe vanden
wille tot berouw der sonden.

Vierde deelder Meditatie.

IS dat waer ! ben ick dan ! **O**
Godt ! **O** Schepper des we-
relts ! **O** goetheydt ben ick die u
al dese droef heydt aendoe ! **O** goet-
heydt ! wie sal wateren gheben aen
mijn herffenen / ende traenen aen
mijn ooghen / ende ick sal sonder
ophouden weenen ? **O** onsaligh /
ongheluckigh mensch / wiens son-
de soo swaer / wiens boosheydt soo
groot / wiens ondancbbaerheydt
soo onberdzaeghelijk is / datse
Godt in droefheydt / anert ende
lijden brenghet ! Wat straffe can
bequaem wesen aen't misdact
van een kind / dat sijn Vader doot /
sijn moeder vermoort / sijnen broe-
der doozsteecht / sijnen Coninck
beraet ende onteert ? gheene voor-
waer. Wat straffe ben ick dan
woerdigh ! ick stinckende mensch /
die teghen u / mijn alder-goedertie-
renste Vader / die my het leven
ghegheben hebt / soo dickmaels
geson-

ghesondicht hebbe / dese doodelijc-
 he droef heydt hebbe veroorzaect /
 ick verwoopen aertwozinken / die
 van u Almoghenden Schepper
 mijn wesen hebbe ontfangen / ende
 met het selve u gheboden ober-
 treden : ick stof der aerden / die u
 mijnen eeuwighen Godt soo dick-
 maels onteert hebbe / ende u beeldt
 dat ghy in mijn ziele hadt ghe-
 stiert / verradelijck den dupbel
 hebbe in handen ghegheben / ende
 door sonde gheschonden. De hel-
 le en heeft gheen tozmenten / die
 my naec mijn verdiensten ghe-
 noech sonden konnen straffen /
 noch de dupbels en hebben gheen
 boeetheydt ghenoech om u van
 my te waken. Ende dit niet-te-
 genstaende / soo hebt ghy noch pa-
 tienten met my : soo verwacht ghy
 my noch tot veternisse : soo ver-
 maent ghy my noch tot berouwen
 mijnder sonden / o onspreekelijcke
 goetheydt ! jae dat meer is / om dat
 ick gheen berouwen en hebbe / soo
 wilt ghy u bedroeben ; om dat ick
 niet en wille eens versuchten / soo

smilt

18 Den Bloedigen Bruydegom
smilt ghy in traenen; om dat ick
coud blijbe als een ijs / soo perst
die hitte der liefden upt u Hely-
lich lichaem dat bloedigh sweet,
Houdt op Heere / houdt togh op /
Cessent oculi tui a lachrymis, en
wilt niet meer weenen / ick ben
die ghesondicht hebbe / het staet
my toe te weenen; ick hebbe die
schuld ghemaect / ick behoordese
te betalen: de reden en laet niet
toe / dat den onnooselen booz den
beschuldighden / den Vader booz
den Sone / den Coninck booz de
slave / Godt booz den mensche
soude hem bedroeden oft comen
te lyden. Houdt doch op o goeden
Vader / o goedertieren Godt / en
wilt toch niet meer schreyen /
want ghemercht dat u droef heydt
spruyt booz het aensien van mijn
versteentheydt / soo hebby reden
van u wat te troosten / aenghesien
dat ghy mijn ziele beroert hebt
met een waerachtigh berouwo
mijnder sonden / waer booz ick die
versaecte ende versoeye upt den
grond mijns herten / van de selve u
gotmae-

goetmoedelijck vergiffenisse bid-
dende / want sy my oprecht leet
zijn / jae soo leet hem inden Vader /
dat ick liever alle pijnen soude lij-
den / dan noch uwe goetheydt in't
minste al willens vergrammen:
gheeft my doch den tijdt ende de
gratie van die te biechten ende
vooz de selve penitentie te doen /
ende my oprechtelijck te gaen be-
teren : want ick nu vooz al adieu
segghe aen alle sonden / ende die
meer vreesse als de doodt / naer
datse sulck een droefhepdt / jae de
doodt hebben aen mijnen Salich-
maker veroorzaeckt / wiens droef-
hepdt ick meer achte dan alle de
tormenten / die ick daer vooz ver-
dient hadde / oft de glorie die ick
daer dooz verlozen hadde. Sterckt
o Heere dit berouw in mijn herte
dat ghy my ghegheben hebt / op
dat het selve in my mach groepen
totter doodt / ende verandert wor-
den in een waerachtighe liefde.

Onderhout u selven in dit berouw
met uwen Sallghmaker sprekende
want het selve hem seer wel behaegt

D E N